





太平御覽


四十二



内閣文庫			
番號	漢	1842	
冊數	240 (42)		
函號	別	14	1







太平御覽卷第九十六

皇王部二十一

淺草文庫

西晉景帝

文皇帝

世祖武皇帝

景帝

晉書曰景皇帝諱師字子元宣帝長子也雅有風彩沉毅
多大畧少流美譽于夏侯玄何晏齊名晏常稱曰惟幾也
能成天下之務司馬子元是也魏景初中拜散騎常侍累
遷中護軍馬選用之法舉不越功吏無司馬宣帝之將誅

曹爽深謀祕策獨与帝潛畫文帝弗知之也將夕乃告之
既而使人覘之帝寢如常而文帝不能安席晨會兵馬司
門鎖靜内外置陣甚整宣帝曰此子竟可也初帝因養死
士三千散在人間至是朝一而集衆莫其所出也事平
以功封長平鄉侯食邑千戶尋加魏將軍正元元年春正
月天子与中書令李豐后父先錄大夫張緝黃門監蘇鑠
等謀以太常夏侯玄代帝輔政常密之知使舍人王羨以
車迎豐見迫隨羨而至帝数之豐知禍及因肆惡言帝怒
遣勇士以刀輟築殺之逮捕玄緝等皆夷三族三月乃誦

天子麻皇后張氏因下詔曰奸臣李豐等靖譖庸四陰構
凶慝大將軍紕度天刑致之誅辟周敷之尅呂氏霍光之
擒上官曷以過之其增邑九千戶并前四萬帝讓不受天
子以玄緝之誅深不自安而亦慮難作潛謀麻立乃密諷
魏永寧太后秋九月甲戌太后下令遣使迎高貴鄉公於
元城而立之改元曰正元天子受璽情隋舉趾高帝聞而
憂之及將大會帝於訓天子曰夫聖王重始正本敬初古
人所慎也明當大會萬衆瞻穆穆之容公卿廳玉振之音
詩人示人不佻是則是倣易曰出其言善則千里之外應

之雖禮儀周備猶宜加以祗恪以副四海顛顛式仰
已天子詔登位相國進殿號太郡督假黃鉞入朝不趨奏
事不名劍履上殿帝固辭相國二年春正月有慧星見于
吳楚之分西北景太鎮東大將軍毋丘儉陽州刺史文欽
舉作亂矯太后令移檄郡國為擅盟於西門之外各遣子
四人質於吳以請救二月儉欽帥衆六萬渡淮而西地會
公卿謀征討計朝議多謂可遣諸將軍擊之王肅及尚書
傅嘏中書侍郎鍾會勸帝自行戊午帝統中軍步騎十餘
萬以征之倍道兼行召三萬兵大會於陳許之郊甲申次

於隱橋儉將史招李續相次來降儉欽移入項城帝遣荆
州刺史王基進據南頓以逼之帝深壁高壘以待東軍之
集諸將請退軍攻其城帝曰淮南將士本無反志且劍歆
陷縱橫之跡習秦儀之說謂遠近必應而事起之日淮此
不從史招李續前後瓦解內乖外叛自知必敗困獸思聞
速戰更合其志難云必尅傷人亦多且儉等欺狂將士詭
變萬端以与持久詐情自露此不戰而尅之也乃遣諸葛
誕督豫州諸君自安風向壽春征東將軍胡遵督青徐諸
軍出譙宋之間絕其歸路帝屯汝陽遣兗州刺史鄧艾督

太山諸兵進屯樂嘉示弱以誘之欽之進軍將攻文帝潛
軍銜枚徑進嘉与欽相遇欽子鳶年十八勇冠三軍謂欽
曰及其未定請登城鼓譟擊之可破也既謀而行三譟而
欽不能應鳶退相与引而帝謂諸將曰欽走矣三鼓而欽
不應其勢已屈不走何侍欽將遁鳶曰不先折其勢不得
去也乃与驍騎十餘摧鋒陷陣所向皆披靡遂引去帝遣
左長史司馬璉督驍騎八千翼而追之欽父子与麾下走
保項城儉聞欽敗棄衆宵遁淮南安風津都尉儉斬之傳
首京都欽遠奔吳淮南平初帝目有瘤疾使醫割之鳶之

來攻也驚而自出六軍之恐蒙之以被痛甚齧被敗而左
右莫知焉閏月疾篤使文帝惣統諸軍辛亥崩于許昌時
年四十八武帝受禪上尊號曰景皇帝廟称世宗

文皇帝

晉書曰景皇帝諱昭字子景景皇帝母帝魏景初三年封
新城鄉侯正元初為洛陽典農中郎將隕魏明奢移之後
帝蠲除苛碎不奪農時百姓大悅轉散騎常侍大將軍曹
爽之代蜀也以帝為征蜀將軍副夏侯玄出駱谷次于興
勢蜀將王林夜襲帝堅不動林退帝謂玄曰費禕以據險

拒守進不獲戰攻之不可宣亟旋軍以為後圖爽等引還
褱果馳兵趨三嶺爭險乃得過還拜議郎及諸曹爽帥衆
衛戎宮以功增邑千戶高貴卿公之位也以叅定策進封
高都侯邑二千戶每兵險文欽之亂大軍東征帝兼中領
軍留鎮洛陽及景帝疾篤帝自京都省疾拜衛將軍景帝
崩天子命鎮許昌尚書傳蝦帥六軍還京帝用蝦及鍾會
策自帥軍而還至洛陽進位大將軍加侍中都督中外諸
軍錄尚書事輔政劍履上殿固辭不受甘露元年春加大
都督奏事不名夏六月進封高都公地方七百里加九錫

假斧鉞進號大都劍履上殿又不受秋八月庚申加假黃
鉞增封三縣二年夏正月辛未鎮東大將軍諸葛誕殺楊
州策爽樂林以淮南作亂遣子覲為質於吳以請救議者
進速伐之帝曰誕以母丘儉輕疾輕覆今必外連吳寇此
為變大而遲吾當于四方同力以全勝制之秋七月奉天
子及皇太后東征徵兵青徐荆豫分取關中遊軍皆會淮
北師次項城假廷尉何禎節度淮南宣慰將士申明逆順
士以誅賞甲戌帝進軍立頭曰命合圖三年春正月諸葛
誕文欽等出攻長圖諸軍逆擊走之初誕欽內不相協及

至寢寔轉相疑貳欽計事於誕忤誕手刃殺欽子鴛攻誕
不克踰城降以為將軍封侯使鴛巡城市而呼帝見城上
持弓者不彘謂諸將曰可攻矣二月己酉攻而拔之斬誕
夷三族四月歸於京師魏帝令改立頭為武立以旌武功
五月天子以并州太原上黨西河樂平新興鴈司州之河
東平陽八郡地方七百里封帝為晉公加九錫進位相國
九讓乃止景元元年夏四月天子既以帝三世宰輔政非
已出情不能安又慮廢辱將臨軒召百僚而行放黜五月
戊子夜使宓從僕射李昭等彘甲於陵雲臺照侍中王沉

散騎常侍王業尚書王經出懷中黃素詔示之戒儼俟旦
沉業馳告於帝召護軍賈克等為之備天子知事泄師左
右攻相府稱有所討敢有動者旌誅相府兵將止不敢戰
賈克叱諸將曰公蓄養汝輩正為今日耳太子舍人成濟
抽戈領兵五千以給事中錄尚書事卿固辭天子曰吾於
庶事以夜繼晝無須更寧息此非以為榮乃為分憂耳六
年天子復大興舟師征吳命帝居守臨行詔曰吾深之後
事為念過以為卿曹叅雖有戰功而蕭何為重使吾無西
顧之憂不亦可乎天子自廣陵還洛陽詔帝曰吾東撫軍

當惣西事吾西撫軍當惣東事於是留帝鎮許昌及天子
疾篤帝留曹禎陳群等見於崇華殿之南堂並受顧命輔
政詔太子曰有聞此三公者慎勿疑之明即位改封舞陽
侯及孫權為歆圖江夏遣其將諸葛瑾張霸并攻襄陽帝
督諸軍討權走之進擊敗瑾斬張霸并首級千餘遷驃將
軍太和元年六月天子召帝屯于宛加督荆豫二州諸軍
事初蜀將孟達之降也魏朝遇之甚後帝以達言行傾巧
不可任驟諫不見聽乃以達領新城太守封侯假節達於
連何是固蜀潛圖中國帝以書論之達有書大喜猶与不

决帝乃潛軍進討上庸城三啣阻水達於城外為木構自
固帝渡水破其柵直造城下八道攻之旬有六日達甥鄧
賢將李輔等開門出降斬達首傳京師俘獲万余人振旅
还于宛乃勸農桑禁浮費南土悅附焉時边郡新附多無
戶名魏朝于歆知隱實屬帝朝于京師天子訪於帝上對
曰賦以密網束下故弃之宜弘以大綱則自然安樂又問
二虜宜封何者為先對曰吾以中國不習水戰故敢散居
東関凡攻敵必先扼其侯而春其心夏口夏関賊之心喉
若為陸軍以向皖音悲城引權東夏為水戰軍向夏口乘其

虛而擊之此神兵從天而墮而必矣天子並然之復命帝
屯于宛四年遷大將軍加以大都督假黃鉞与曹貞伐蜀
軍次丹口遇雨班師明年諸葛亮寇天水圍將軍賈嗣魏
平於祁山天子曰西方有事非君莫可付者乃使帝西屯
長安都督雍梁二州諸軍事車騎將軍張郃後將軍費曜
征蜀護軍載陵雍州刺史郭淮等討亮遂進軍隄式朱切糜
亮聞大軍直至乃自率衆芟上邽之麥諸將皆惧帝曰亮
慮多決少必安營自固然後芟麥吾得二日兼行足矣於
是卷甲晨夜赴之亮望塵而遁進次漢陽与亮相遇帝列

陣以待之使將牛金輕騎誘之兵纔接而亮退追至祁山
亮屯鹵城據南北二山斷水為重圍帝攻之拔其圍亮霄
遁近擊破之俘斬萬計天子使使勞軍封邑二年亮又帥
衆十餘万出斜谷壘于郿音之謂之南原天子憂之遣征
蜀將軍秦朗督步騎二万受帝節度諸將欲住渭北待之
帝曰百姓積聚皆在渭南此必爭之地也遂引軍而濟背
水為壘因謂諸將曰亮若勇者當出武功依山而東若西
上五丈原則諸軍無事矣亮果上原將北渡謂帝遣將軍
周當屯陽遂以餌之數日亮不動遂遣將軍胡遵雍州刺

史郭淮共備陽遂于亮會于積石臨原而戰亮不得進还于五丈原會有長星墜亮之壘帝知其必敗遣奇兵倚亮之後斬五百餘級獲生口千餘降者六千余人三千遷太尉累增封邑蜀將馬岱入寇帝遣將軍牛金擊走之斬千餘級四年遼東太守公孫文懿反徵帝詣京師天子曰此之不足以勞君事欲必尅故以相煩耳君度其所何計對曰棄城豫走上計也據遼水以拒大軍次計也坐守襄平此城擒耳天子曰其計將安出對曰唯明者能深度彼我乃能豫有所割棄此非其所及也今懸軍遠征將謂不能

持久必先拒遼水而後守此中下計也天子曰往还幾時對曰往百日还百日攻百日以六十日為休息一年足矣景初二年帥金牛遵等步騎四万秣自京都車駕送出西明門詔弟孚子師送過温賜以穀帛牛酒勅郡守典晨已下皆往會焉見父老故旧讌飲累日帝歎息悵然有感為歌曰天地開闢日月重光遭遇際會畢力遐方將軍群穢還過故鄉肅清萬里惣齊八荒告成歸老待罪舞陽遂進師經孤竹越碣石次于水文懿果遣步騎萬阻遼墜堅壁而守南北六七十里以拒帝盛兵多張旗幟出其南賊

尺銳赴之乃沉舟濬濟以出其北与賊營相逼沉舟焚梁
傍遼水作長圍棄賊而向襄平賊見兵出其後果邀之乃
縱兵逆擊大破之三戰皆捷賊保襄平進軍攻之初文懿
聞魏師之出也請救於孫權亡亦出兵遙之聲援遺文懿
書曰司馬公善用兵变化若神所向無前深為弟憂之會
霖潦水平地數尺賊恃水樵採自若朝廷聞師遇雨成謂
召還天子曰司馬公臨危制變計擒之矣既而雨止遂合
圍起土山地道楯櫓鈞撞箭矢石雨下晝夜攻之文懿大
惧乃使其所署相國王建御史大夫柳甫乞降請解圍面

縛不許執建等皆斬之文懿復遣侍中衛演乞尅日送保
而守者曰軍事大要有五能戰當戰不能戰當守不能守
當走余二事唯有降与死耳汝不肯面縛此為決就死也
不須送任文懿攻南圍突帝縱兵擊敗斬於梁沮又作水上
時有兵士寒凍乞襦帝弗之与或曰卒多故襦可以賜之
帝曰襦者官物人臣無私施也遂班師天子遣使者勞軍
于蘇增封食昆陽并前三縣齊王即位迁侍中持節都督
中外諸軍錄尚書事与曹爽各統兵三千人共執朝政更
直殿中乘輿入殿爽使欲尚書奏事先由已乃言於天子

徒弟為司馬朝議以為前後大司馬累薨於位乃以帝為
太傅入殿不趨贊禮拜不名劍履上殿如蕭何故軍八年
夏四月曹爽用何晏鄧颺丁謐之謀迁太后於永寧宮專
擅朝政兄弟並点禁兵多樹親黨屢改制度不能禁於是
於爽有隙五月帝称疾不与政事九年春三月黃門張私
出掖庭才人石英等一十一人与曹爽為佞人爽晏謂疾
篤有無君之心与常密謀圖危社稷期有日矣帝亦潜為
之備爽之徒屬亦頗疑帝會河南尹李勝將莅荆州來候
帝_匕詐疾篤使兩侍婢持衣_匕落指口言渴婢進粥帝不

能持杯飲粥皆流出霑曾滕曰衆情謂明公旧風箴動何
意尊体乃尔帝使声氣終属說年老抱疾死在旦夕君當
屈并州并州近胡善為之備恐不獲相見以子師昭弟兄
為叱滕曰當还忝本州也帝乃錯乱其辭曰君方到并州
滕復曰當忝荆州帝曰老年意荒不鮮君今言还本州盛
德壯烈好建功勳滕退告爽曰司馬公尸居餘氣形神已
離不足慮矣他日又言曰太傅不可復濟令人愴然故爽
等不復設備嘉平元年正月甲午天子謁高平陵爽兄弟
皆從是日太白襲月帝於表奏永寧太后麻爽兄弟時景

帝為中護軍將兵屯司馬門帝列陣闕下經爽門爽帳不
督嚴世上樓引弩將射帝孫謙止之曰事未可之三注三
止皆引其付不得奔大司農桓範出赴爽將濟言於帝曰
智囊往矣帝曰爽與範內踈而智不加駕馬戀短豆不能
用也於是假司徒高柔節行大將軍事領爽營謂柔曰君
為周勃矣命太僕王觀行中領居攝義營帝親帥太尉蔣
濟等勒兵出營迎天子屯于洛水浮橋上奏曰先帝詔陛
下齊王及臣升于御床握臣臂曰深以後事為念今大將
軍爽背弃顧命叛亂因典內則僕擬外專威權群官要識

皆置所親宿衛旧人並見斥黜根據槃牙縱恣日甚又以
黃門張當為郎監專並交關伺候神器天下洶々人懷危
惧陛下便為寄坐豈得久安此非先帝詔陛下及臣陛御
床之本意也臣难朽邁敢忘前言背趙高極意秦是以亡
呂霍早断漢祚永延此乃陛下之教鑒臣授命之秋也公
卿群臣皆以爽有無君之心兄弟不宜典兵宿衛表皇太
后勅如奏施行臣輒勅主者及黃犯驛天子崩于車申帝
召百僚謀故僕射陳泰不至帝遣其舅荀顗與致之定于
曲室謂曰玄伯天下其如我何泰曰唯腰斬賈克徵以謝

天下帝曰卿更思其次恭曰但見其上不見其次於是歸
罪成濟而斬之于卿公議立燕王字之子常道卿公璜為
帝二年秋八月甲寅天子使太尉高柔授帝相國印綬司
鄭冲致晋公茅土九錫固辭三年夏四月肅慎表獻楛矢
石弩弓甲貂皮等天子命歸大將軍府四年夏帝將伐蜀
徵四方之兵十八萬使鄧艾自狄道攻姜維於沓中雍州
刺史諸葛緒自祁山軍于武街絕維歸路鎮西將軍鍾會
帥前將軍李輔征蜀護軍胡烈等自駱谷襲漢中秋八月
軍奔洛陽大賚將軍陳師誓眾將軍鄧敷謂蜀未可討帝

斬以徇九月以天水太守王頌攻維營隴西太守牽弘邀
其前金城太守楊欣趣松鍾會分為二隊入自斜谷使李
輔圍王含於洛城又使部將易愷攻蔣斌於漢城會直揚
安護軍胡烈攻陷關城姜維聞之引还王頌追敗維於強
川維与張翼廖化合軍守劍閣鍾會攻之冬十月天子以
諸侯獻捷交至詔加九錫帝乃受命十一月鄧艾帥萬餘
人自陰平踰絕險至于江曲破蜀將葛瞻於綿竹斬瞻首
傳道進軍維縣刘禪除天子命晋公以相國愨百揆於是
上鄧傳去侍中大都督錄尚書之號焉咸熙元年春正月

乙酉帝奏天子西征至於長安遣護軍賈克持節督諸軍
據漢中鍾會遂反於蜀監軍余瓘右將軍胡烈攻會斬之
景辰帝至自長安三月己卯進爵為王增封前并二十郡
冬十月景午天子命中撫軍新昌鄉侯炎為晉世子二年
五月天子命冕十有二號建天子旌旗出警入蹕乘金根
車駕六年備五時副車置旄頭雲罕樂舞八佾設鍾虡宮
懸位在燕王上進王妃為王后世子為太子王女王孫爵
命之號皆如帝者之儀秋八月辛卯帝崩于露寢時年五
十五葬崇陽陵武帝受禪追尊號曰文皇帝廟曰太祖

世祖武皇帝

晉書曰武帝諱炎字世文帝長子也寬惠仁厚沉深有度
量魏嘉平中封平亭侯歷給事中奉車都尉中壘將軍加
散騎常侍累遷中護軍假節迎常道鄉公於東武陽遷西
撫軍進封新昌鄉侯及晉國建立為世子拜撫軍大將軍
開府副貳相國初文帝以景帝既宣皇之嫡早世無後以
帝弟攸政為嗣特加愛異自謂攝居相位百年之後大業
宜歸攸每曰此景帝之天下也吾何与焉將議立世子屬
意於攸何曾等固爭曰中撫軍聰明神武有超世之才髮

委地手過膝此非人臣之相也由是遂定咸熙二年五月
立為晉太子八月辛卯文帝崩太子嗣相國晉王位十一
月乙未令諸郡中正以六條奉淹滯是時晉國既洽四海
宅心於是天子知歷數有在乃使太保鄭冲奉策曰咨尔
晉王我皇祖有虞氏誕膺靈運受終于陶唐亦以命于有
夏惟三后陟配於天子而咸用光敷聖德自茲厥後天又
輯大命于漢火德既衰及眷命我高祖方軌虞夏四代明
之顯我弗敢知惟王乃祖乃父服膺昭哲輔弼我皇家勲
德光於四海格上下神祇罔不尅順地平天成萬邦以乂

應受上帝之命協皇極之中似予一人祇承天序以敬授
爾位歷數實在爾躬允執其中天祿永終於戲王其欽順
天命率修訓典底綏四國公卿及何曾王沉等固請乃從
之太始元年冬十二月景寅設壇于南郊百寮在位及白
奴南單于四夷會者數萬人紫燎告類於上帝於是大赦
改元賜天下爵人五級三年春正月癸丑白龍二見於弘
農渾池丁卯立皇子衷為皇太子九月甲申詔曰古人者
以德詔爵以庸制祿為下士猶食上農外足以奉公忘私
內足以養親施會令在位者祿不代耕非所以崇化之本

也其議增吏俸四年己未詔王公卿尹及郡國守相舉良
方正直之言士十二月頒五條詔書於郡國一曰正身二
曰勤百姓三曰撫孤寡四曰敦本息末五曰去人事庚寅
帝臨聽公觀錄廷尉洛陽獄囚親平決焉八年春正月癸
亥帝耕于籍田二月乙亥禁雕文綺組非禮法物詔內外
郡首三人帝与右將軍皇甫陶論事陶与帝爭言散騎常
侍鄭徽表請罪之帝曰謹言謬詖所望於左右也人主常
阿媚為患豈爭以臣為損哉徽越職妄奏豈朕之意遂免
徽官咸寧四年十一月太醫司馬程玃雉頭喪帝以奇伎

典服非典禮焚之於殿前五年大舉伐吳遣東將軍瑯琊
王昪出徐中安東將軍王渾出江西建威將軍王戎出武
昌平南將軍胡奮出夏口鎮南大將軍杜預出江陵龍驤
將軍王濬廣武將軍唐彬率巴蜀之卒浮江而下東西凡
二十余万以太尉賈充為大都督行尅軍楊濟為副惣統
眾軍十万人太康元年春正月己丑朔五色氣貫日癸巳王
軍尅吳尋陽賴鄉諸城獲吳武威將軍周興二月戊午王
濬唐彬等尅丹陽城庚申又尅西陵壬戌濬又尅夷道樂
鄉城甲戌杜預尅江陵三月壬申王濬以舟師至于建業

之石頭孫皓大惧面縛輿觀降于軍門濬杖節解縛焚觀
送于京師收其圖籍剋州四郡四十三縣三百一十三戶
五十二萬三千吏三萬二千兵二十三萬男二百三十萬
其牧守以下皆因吳所置除其苛政示之簡易吳人大悅
乙酉大赦改元賜酺五日恤孤老困窮九月群臣以天下
一統屢請封禪帝謙弗許太熙元年春正月辛卯改元夏
四月己酉帝崩于含章殿時年五十五在位二十五年葬
峻陽陵廟號世祖

謝灵運論曰世祖受命禎祥屢臻苛慝不作萬國欣戴還

至邇安足以彰天容其軍民樂其功矣反古之道當以美
事為先今五等罔刑井田并王制凡諸禮律未能是正而
採擇嬪媛不拘華門者昔武王伐紂歸領宮之女不以助
紂為雪而世祖平皓納吳妓五千是同皓之弊婦人之封
六國亂政如追贈外曾祖母違古之道凡此非事並見前
書誠有典於徽猷史氏所不敢蔽也

唐太宗晉武帝紀論曰武皇承基誕膺天命拙圖御寓敷
化弘道民以候而代勞世以治而易亂絕縑綸之貢去雕
琢之飾刺奢俗以變約俾澆風而反淳雅好直言留心採

擇刈教裴措以質直而見容稽紹許竒雖仇而不棄仁以御物寬而得衆宏畧大度有帝王之量焉于時民和俗靜家給民足聿脩武用思啓封疆次神筭於深裏斷雄圖於議表馬隆西伐王濬南征師不延時獫虜削跡兵無血刃揚越為墟通近代之不通眼前王之不服禎祥顯應風教肅清天地之功成矣霸王之業大矣雖登封之禮讓而不為而驕秦之心因斯以起見土地之廣謂高業而無虞都天下之安謂千年而永治不知處廣以思狹則廣可長存居治而忘危則治無常治加之建立非所委竒失才志欲

就于升平行先迎於禍亂是猶將敵越者指沙漠而遵途欲登山者涉舟航而覓路所遐途遠所轉南北倍殊高下相反求其至也不亦难乎况以新習易動之基而無久安难拔之慮故賈克亮堅懷奸志而擁權揚駿豺狼包禍心以專輔及乎宮車脫出諒闇未周藩翰變親以成踈連兵競滅其本棟梁迴忠而起偽擁衆各舉其威曾未數年綱紀大亂以至海內叛蕩宗廟播遷帝道王猷反居文身之俗神明赤縣翻成被髮之鄉棄所大以資人掩其小而自紀焉天下笑其故何哉良由失慎於前所以貽患於後且

知子者賢父之臣者明君子不肖則家亡臣不忠則國亂
亂不可以安也亡家不可以全也是以君子防其始聖人
閉其端而世祖或荀勗之奸謀迷王渾之偽策心屢移于
衆口事不定於己圖元海當而不徐卒令擾亂區下惠帝
可廢而不廢終使傾覆洪基大全一人者德之輕極天下
者功之重棄一子者忍之小安社稷者孝之大况乎資二
世而成業延三葉以喪身所謂取輕德而捨重功晨小忍
而忘大孝聖賢之道豈若斯乎雖則善始於初而幸令終
於末所以殷勤史策不能無慷慨焉

大平御覽卷第九十六

大平御覽卷第九十七

皇王部二十二

西晉惠皇帝

趙王倫 附

惠皇帝

晉書曰孝惠帝諱衷字正度武帝第二子也太始三年立
為皇太子時年九歲太熙元年四月己酉武帝崩是日太
子即皇帝位大赦改元為永熙尊皇后楊氏曰皇太后立

妃賈氏為后以太尉楊駿為太傅輔政秋八月壬午立廣陵王適音聿為皇太子以中書監何劭為太子太師吏部尚書王戎為太子太傅永平元年春正月詔改永熙二年為永平元年又詔子弟及群官並不得謁陵三年辛卯誅太傅楊駿匕弟衛將軍瑤太子太保濟中護軍張劭散騎常侍段廣楊邈左軍劉禎河南尹李斌中書舍人蔣俊東夷校尉文叔尚書武茂皆夷三族壬辰大赦賈后矯詔廢皇太后為庶人從於金墉城告于天地宗廟誅太后母麗氏壬寅徵大司馬汝南王高為太宰手太保衛瓘輔政六月

賈后矯詔使楚王瑋殺太宰汝南王亮太保菑陽公衛瓘乙丑以瑋壇害亮瓘殺之九月辛丑征西大將軍梁王彤為衛將軍錄尚書事以趙王倫征西大將軍都督雍梁二州諸軍事三年春二月己酉賈后殺皇太后于金墉城五年冬十月武庫火焚累代之寶十二月景戌新作武軍大調兵器六年八月秦雍氏羗悉叛推氏羗帥奔萬年僭號稱帝圍于涇陽七年春正月癸丑周處及齊萬年戰于六百王師敗績處死之九年春正月在積弩將軍孟觀伐氏戰于中亭大破之獲齊萬年徵征西大將軍梁王彤錄尚

書事以北中即將河澗王顥為鎮北將軍鎮關中成都王
穎為鎮北大將軍鎮鄴十二月壬戌廢皇太子適為庶人
及其三子幽于金墉城殺太子之母謝氏永康元年正月
大赦改元三年三月登位癸未賈后矯詔害庶人適于許
昌夏四月辛卯日有食之癸巳梁王彤趙王倫矯詔廢賈
后為庶人司空張華尚書僕射裴頠皆遇侍中賈謐及黨
与數十人皆伏誅甲午倫矯詔大赦自為相國都督中外
諸軍如宣帝輔魏故事追復故皇太子位丁酉以梁王彤
為太宰己亥趙王倫矯詔害賈庶人于金墉城五月己巳

立皇孫臧為太孫秋八月淮南王允舉兵討趙王倫不剋
允及其二子秦王郁漢王廸皆遇害永寧元年春正月乙
丑趙王倫篡帝位景寅迁帝于金墉城號曰太上皇改金
墉曰永昌宮廢皇太孫臧為濮陽王五星經天縱橫無常
癸酉倫害濮陽王臧三月平東將軍蒼王問起兵以討倫
傳檄州郡屯於陽翟征北大將軍成都王穎征西大將軍
河澗王顥常王又豫州刺史李毅兗州刺史王彥南中郎
將新野公欽皆舉兵應之衆數十萬倫遣其將閻和出伊
闕張泓孫輔出堦坂以拒問孫會士猗許超出黃橋以拒

穎將趙驤石超戰於沮水會等大敗棄軍走四月辛酉左
衛將軍王與尚書淮南王淮勒兵入宮擒倫黨孫秀孫會
許超士猗駱休等皆斬之遂偷歸第即日乘輿反生群臣
頓首謝罪帝曰非諸卿之過也詔大赦改元誅趙王倫義
陽王威九門侯質等及倫之黨于五月立襄陽王尚為皇
太孫六月戊辰大赦增吏位二等庚午東萊王蕤左衛將
軍王興謀廢齊王問事泄廢蕤為庶人与伏誅軍夷三族
甲戌以齊王問為大司馬都督中外諸軍事成都王穎為
大將軍錄尚書事河澗王顥為太尉罷丞相復置司徒官

太安元年五月癸卯以清河王遐子覃為皇太子賜孤寡
帛大酺五日以齊王問為太師東海王越為司空秋月充
豫徐冀等四州大水冬十月地震十二月丁卯河澗王顥
表齊王問窺伺神器有無君之心于成都王穎新野王歆
范陽王鯁同會洛陽請廢問还弟長沙王又奉乘輿屯南
上東明攻問殺之幽其諸子于金墉城廢問弟北海王寔
大赦改元以長沙王又為太尉都督中外諸軍事二年七
月中書令下粹侍中馮蓀河南尹李含等貳於長沙王又
又疑而害之八月河澗王顥成都王穎舉兵討長沙王又

帝以乂為大都督帥軍禦之庚申劉弘及張昌戰於清水
斬之顓遣其將張方頴遣其將陸機牽秀石超等來逼京
師乙未帝幸十三里橋遣將軍皇甫商拒方於宜陽己巳
帝旋軍于宣武場庚午舍于石樓天中裂無雲而雷九月
丁丑帝次于河橋壬午皇甫商為張方所敗申帝軍于芒
山丁亥幸偃師辛卯舍于豆田癸巳帝旅于城東景申進
軍緱氏擊牽秀走之大赦張方入京城燒清明開陽二門
死者萬計石超逼乘輿于緱氏冬十月壬寅帝旋于宮石
超焚緱氏服御無遺丁未破牽秀范陽王虓于東陽門外

戊申破陸機于建春門石超斬其大將軍賈克等十六人
懸首銅駝街張方退屯十三里橋十一月辛巳星晝隕聲
如雷王師攻方壘不利方決千金堰水雒皆涸音鶴乃奔王
公奴婢手春給兵廩一品已下不從征者男子十三已上
皆從役又奔奴助兵號為四部司馬公私窮餼米石萬錢
詔命所至一城而已壬寅夜赤氣竟天隱々有聲景辰地
震癸亥東海王越執長沙王乂幽于金墉城尋為張方所
害甲子大赦永興元年春正月成都王頴自鄴諷于帝乃
大赦改元為永安帝逼於河澗王顓密詔雍州刺史劉沉

秦州刺史皇甫重以討之沉舉兵攻長安為顓所敗張方
大掠洛中還長安於是軍中大饑人相食以成都王穎為
丞相穎遣從事中郎成夔等以兵五萬屯十二城門殿中
宿所忌者穎皆斬之以三部兵代宿衛二月乙酉廢皇后
王氏幽于金墉城黜皇太子覃復為清河王三月河間王
顓表請立成都王穎為太弟戊申詔曰朕以不德纂承鴻
緒于茲十有余載禍亂滔天奸逆仍起至乃幽廢重宮宗
廟幾絕成都王穎溫仁惠和平尅暴亂其以穎為皇太弟
都督中外諸軍事丞相如故七月景申朔右衛將軍陳耽

詔召百寮入殿中因勒兵討成都王穎戊戌大赦復皇后
楊氏及皇太子覃己亥司徒王戎東海王越高密王簡平
昌公模吳王晏豫章王熾襄陽王範右僕射荀藩等奉帝
北征至安衆二十餘萬穎其將石起拒戰己未六軍敗績
於湯陰矢及乘輿百官分散侍中嵇紹死之帝殤頰中三
矢亡六璽帝遂幸超軍餒甚超進水左右奉秋桃超遣弟
熙奉帝之艸穎帥群官迎謁道左帝下輿涕泣其夕幸于
穎府有九錫之儀陳留王送貂蟬文鵠尾明日乃備法駕
幸於鄴唯豫章王熾司徒王戎僕射荀藩從庚申大赦改

為建武八月戊辰穎殺東安王鷄張方復入洛陽廢皇后
楊氏及皇太子單匈奴左賢王刘元海反於離石自號大
單于安北將軍王俊遣烏丸騎攻成都王穎于鄴大敗之
穎于帝單車走洛陽御服分散倉卒上下無齎侍中黃門
被囊中賫私錢三千詔貸用所在買飯食以供宮人止食
於道中客舍宮人有持升余粒米飯燥及蒜鹽豉以進帝
噉之御中黃門布被次獲加市麤米飯盛以瓦盂帝噉兩
盂有老父獻蒸鷄帝受之至温將謁陵帝裘履納從者之
履下拜流涕左右皆歔歔及洛河張方帥騎三千以陽燧

青蓋車奉迎方拜謁帝躬止之辛巳大赦賞從者有差冬
十一月乙未方請帝謁陵因劫帝幸長安以所乘車入殿
中帝馳避後園竹中方逼帝升車左右中黃門鼓吹十二
人步從唯中書監霑志侍側以帝幸其壘帝令具載宮人
寶物軍人因略妻後宮分爭府臧魏晉已未所積之物掃
地無遺矣行次新安寒甚帝墮馬傷足尚書光奉進面衣
帝嘉之河間王顥帥官屬步騎三萬迎于霸上顥前拜帝
下車止之以征西府為宮唯僕射荀藩司隸刘暉太常鄭
球河南尹州馥与其遺官左陽為留臺承制行事號為東

西臺焉景午留臺大赦改元復為永安辛丑復皇后楊氏
李稚僭號成都刘元海僭號漢王十二月丁亥詔曰天禍
晋邦家嗣莫繼成都王穎目左儲貳政績虧損四海失望
不可成重器其以王還第豫章王熾先帝愛子令問日新
海宇註意令以為皇太弟以隆我晋拜司空越為太傅与
太宰顥夾輔朕躬司徒王戎叅錄朝政光祿大夫王衍為
尚書左僕射百官皆復職齊王冏前應還第長沙王入輕
陷重刑封其子紹為樂平縣王以奉其嗣自頃戎車屢征
勞費人力供御之物皆減三分之一戶調田租三分減一

蜀除苛政愛人物本清通之後當還東京大赦改元以河
間王顥都督中外諸軍事二年春正月甲午朔帝在長安
夏四月景子張方麻皇后楊氏七月東海王越嚴兵徐方
將西迎大駕成都王穎部將公師藩等聚眾分陷郡害陽
平太守李志汲郡太守張延等轉攻鄴平昌公模遣將軍
趙讓擊破之九月壬子以成都王穎為鎮北大將軍都督
河北諸軍事鎮鄴河間王顥遣將軍吕朗屯洛陽冬十月
景子詔曰得豫州刺史刘喬檄称穎川太守刘輿追脅驃
騎將軍虓拒逆詔命造構凶逆擅劫郡縣合聚兵眾擅用

荀晞為兗州斷截王命鎮南大將軍荊州刺史劉弘平南
將軍彭城王釋等各勒所統徑會許昌于喬并力今遣右
將軍張方為大都領統精卒十萬建武將軍呂朗廣將軍
騫疆建武將軍力默等為軍前鋒共會許昌除于兄弟丁
丑使前車騎將軍石超北中郎將王闡討輿等赤氣見于
北方東西竟天有星孛于北斗平昌公模遣將軍宋胄等
屯河橋十一月立節將軍周權詐被檄自稱平西將軍復
皇后羊氏洛陽令何橋攻權殺之復廢皇后十二月呂朗
等東屯滎陽成都王穎進據洛陽張方劉弘等並按不能

禦范陽王虓濟至官渡拔滎陽石超襲許昌破劉喬於肅
喬奔南陽右將軍陽敏舉兵反自號楚公矯稱被中詔從
沔漢迎天子逐揚州刺史劉機丹陽太守王曠光熙元年
春正月戊子朔日有蝕之帝在長安河間王顥聞劉喬破
大懼遂殺張方請和於東海王越越不聽宋胄等破穎將
婁裒進逼洛陽穎奔長安甲子越遣其將祁弘宋胄司馬
纂等迎帝己亥弘等奉帝還洛陽乘牛車行宮籍草公卿
跋陟六月景辰朔至自長安升旧殿哀感流涕謁于太廟
復皇后羊氏辛未大赦改元八月以太尉東海王越錄尚

書事驃騎將軍范南王彪為司空九月頓丘太守馮嵩執
成都王穎之送于鄴冬十月司空范陽王彪薨長史刘興
害成都王穎十一月庚午帝崩于顯陽殿在位十六年時
年四十八葬太陽陵之常為太子也朝廷咸知不堪政事
衛瑾常侍晏撫武帝所坐床曰可惜此坐和嶠亦以為言
曰皇太子有淳古風而季代多偽恐不了陛下家事武帝
默然不答後武帝欲廢太子楊氏曰立嫡以長不安賢豈
可動手太子遂定及居大位政出群下紀綱大壞貨賄公
行天下為之市賈焉帝又常幸華林園聞蛙声謂左右曰

此鳴者為官乎為私乎或對曰在官地者為官在私地者
為私及天下荒亂百姓餒甚帝曰何不食肉麋其蒙蔽皆
此類也

王隱晉書曰高堂隆尅鄴宮屋材云後若干年當有天子
居此宮惠帝止鄴宮屋治者土剝更妮始見刻字計年正
合

趙王倫

晉書曰趙王倫字子彝宣帝第九子也母曰栢夫人魏嘉
平初封安樂亭侯五等建改封東安子拜諫議大夫武帝

受封瑯琊郡王元康初遷征西將軍開府儀同三司鎮關
倫行賞失中氏羗反叛徵還京師尋拜車騎將軍太子太
傅深交賈郭諂事中宮大為賈后所親信求錄尚書張華
裴顏固執不可求尚書令華顏復不許敏懷太子之廢也
使倫領右軍將軍時左衛司馬督司馬雅及常從督許超
並常給事東宮二人傷太子無罪于殿中亡即士猗鄴謀
廢賈后復太子以華顏不可移難于圖權倫執之要惟貪
冒可假以濟事乃說倫嬖人孫秀曰中宮凶妒無道于謚
等共廢太子今國無嫡嗣社稷將危大臣將起大事而公

名奉中宮于賈郭親善太子之廢皆云預知一朝事起禍
必相及何不先謀之乎秀許諾言於倫亡納焉事將起而
秀知太子聰明若遷東宮將于賢人圖政量已不得志更
說倫曰太子剛猛不可私請明公素事賈后時議皆以公
為賈氏之黨今雖欲建大功於太子太子含宿怒必不加
賞於明公當謂逼百姓之望翻覆以免罪耳此乃所以速
禍矣今且緩其事賈后必害太子然後廢後為太子報仇
亦足以功豈徒免禍而以從論之秀乃微泄其謀使謚黨
頗聞之倫秀因勸謚等早害太子以絕眾望太子既遇害

倫秀之謀益甚而超雅惧後難歆毀其謀乃辭疾秀復告
右衛_上 伏飛督閤和_上 從之期四月三月景夜一籌以鼓
声為應至期乃矯詔勅三部司馬曰中宮子賈謚等殺公
太子今使車騎入廡中斂汝等皆當從命賜爵閔中候不
從誅三族於是衆皆從之倫又矯詔開門夜日陳兵道南
遺翊軍校尉齊王冏將三部司馬百人排閣入華令駱休
為內應迎帝幸東堂遂廡賈后為庶人幽之于建始殿中
書監侍黃門侍郎入坐皆夜入殿執張華裴頠解紹杜斌
等於殿前殺之尚書始疑詔有詐即景師露板奏請手詔

倫等以為沮衆斬之以殉明日倫坐端門屯兵北向遣尚
書和郁送賈庶人於金墉尋矯詔自為使持節大都督中
外諸軍事相國侍中王如故一依宣文輔魏故事以其世
子散騎常侍奉冗從灘射子馥前將軍封濟陽王處黃門
郎封汝陰王詡散騎侍郎霸城侯孫秀等皆封大郡並據
兵權文武官侯封者數千人百官愬已聽於倫倫素庸下
無智策復受制於秀秀之威權振於朝廷天下皆事秀而
無求於倫秀起自瑯琊小吏累官於趙國以諂媚自達既
執機衡遂恣其姦謀多殺忠良以逞私憾前尉衛石崇黃

門即潘岳皆于秀有嫌並見誅於是京邑君子不樂其矣
淮南王允齊王罔以倫秀驕僭內懷不平秀等亦深忌焉
乃出罔鎮許奪允護軍允起兵討倫允既敗滅倫加九
錫增封五萬戶倫無學不知書秀亦以狡黠小財貪淫昧
立所共立事者皆邪佞之徒唯競榮利無深謀遠畧倫秀
並惑巫鬼聽妖邪之說秀使牙門趙奉詐為宣帝神語令
倫早入西宮又言宣帝於北中為趙王佐助於是別立宣
帝廟于卬山謂逆謀可成秀等部分諸軍分布腹心使散
騎常侍義陽王威兼侍中出納詔命矯作禪讓之詔使持


節尚書令滿奮僕射崔隨為副奉皇帝璽綬以禪位於倫
倫偽讓不受於是宗室諸王郡公卿士咸假稱符瑞天文
以勸進倫乃許之左衛王與前軍司馬雅等率甲士入殿
壁喻三郡司馬示以威賞皆未敢違其夜使張林等屯守
諸門內外百官以乘輿法駕迎倫惠帝乘云母車鹵簿數
百人自華林西門出居金墉城尚書和郁兼侍中散騎常
侍瑯琊王睿中書侍郎陸機從到城下而反使張衡衛帝
實函之也倫從兵五千人自瑞登大殿滿奮崔隨廣進璽
綬於倫乃僭即帝位大赦改元建始諸黨皆登卿將普列

大封其余同謀者咸超階城次不可勝紀至於奴卒廝役
亦加爵位每朝會貂蟬盈用坐時人為之諺曰貂不足狗
尾續而以苟且之惠取悅人情府庫之儲不克於賜金銀
冶鑄不給於印故有白板之侯尹子耻服其章百姓亦知
其不終矣倫親伺太庙還遇大風飄折麾蓋孫秀既立非
常之事倫敬重焉秀任文帝為國時所居内府事無巨細
必諮而行倫之詔令秀改革有所予奪自書青紙為詔哉
朝令夕改者數四百官轉易如流矣時齊罔河間王顥成
都王穎並擁強兵各據一方秀知罔等必有異圖乃選親

黨及倫故吏為三王叅左及郡守秀本異于張林有隙雖
外相推崇内實忌之及林為衛將軍深怨不得開府潛与
拳戕具說秀專權動違衆心而功臣皆小人撓亂朝廷可
一時誅之拳一書白倫上以示秀上勸倫之林倫請宗室
會於華林園召林秀及王輿入因收林殺之誅三族及三
王起兵討倫檄至倫秀始大惧遣其中堅孫輔為上將軍
督諸軍以拒義師倫復受太子詹事刘琨督河北將軍
率步騎千人催諸軍与義軍戰於激水大敗退保河上刘
琨燒断河橋自義兵之起百官將士咸欲誅倫秀以謝天

十四
下秀知衆怒難犯不敢出省及聞河北軍悉敗憂懣不知所為義陽王威勸秀至尚書省与入座議征戰之備秀從之使京城西四品以下子弟之十五以上皆詣司隸從倫出征戰内外諸軍悉欲劫殺秀_上惧自崇禮闕走還下舍衛將軍趙全斬秀等以徇使倫為詔曰吾為孫秀等所誤以怒三王今已誅秀其迎太上復位吾歸老于農畝傳詔以騶虞幡勅將士解兵文武官皆奔走莫敢有居者黃門將倫自華林東門出及拳皆還文陽里第於是甲士數千迎天子于金墉百姓咸稱萬歲帝自端門入升殿御廣

室送倫及拳付金墉城梁王彤表父子凶逆宜伏誅百官會議于朝堂皆如彤表遣尚書表敞持節侍倫死飲以金屑苦酒倫慙以巾覆面曰孫秀誤我於是收拳馥虔詔付廷尉獄考竟百姓是倫所用者皆斥免之臺省府衛僅有存者自兵興六十餘日戰及殺害近十萬人



大平御覽卷第九十七

